

CERTIFICACIÓN

Concepción Vilas Cantelar, secretaria accidental do Concello de Ames (A Coruña)

CERTIFICO: Que a Xunta de Goberno Local, en sesión ordinaria celebrada o día xoves 12 de xullo de 2018, adoptou, entre outros, o acordo que copiado é do teor literal seguinte:

“PUNTO DÉCIMO PRIMEIRO.- ADXUDICACIÓN DO PROCEDEMENTO ABERTO CUN ÚNICO CRITERIO DE VALORACIÓN (FACTOR PREZO) DA SUBMINISTRACIÓN E INSTALACIÓN DUN NOVO PAVIMENTO DEPORTIVO NO PAVILLÓN POLIDEPORTIVO DE BERTAMIRÁNS DO CONCELLO DE AMES. PAS COMPLEMENTARIO 2015.

En Xunta de Goberno Local de 11 de maio de 2018, procedeuse á clasificación de ofertas no procedemento de subministración e instalación dun novo pavimento deportivo no pavillón polideportivo de Bertamiráns do Concello de Ames. POS Complementario 2015, segundo proposta da Mesa de Contratación.

O dito acordo de clasificación de ofertas e requirimento de documentación foi notificado ao licitador clasificado en primeiro lugar e os demais participantes no procedemento de contratación.

Unha vez achegada polo licitador clasificado en primeiro lugar a documentación establecida no artigo 151 do Texto refundido da Lei de contratos do sector público, resulta procedente adxudicar o dito contrato de subministración e instalación.

Figura no expediente informe de fiscalización favorable, con observacións, da Intervención Municipal, informe 282/2018, de 9 de xullo.

Visto o que antecede, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

Primeiro.- Adxudicar o contrato para subministración e instalación dun novo pavimento deportivo no pavillón polideportivo de Bertamiráns do Concello de Ames á empresa Medulio Servicios y Obras SL, con CIF B-70195870, e nas seguintes condicións:

A.- Prezo: O importe da oferta do dito licitador ascende á contía de sesenta mil catrocentos noventa e cinco euros **(60.495,00.- euros)** sen IVE.

B.- IVE repercutible: A contía do IVE repercutible ao tipo do 21% ascende a contía de doce mil setecentos tres euros e noventa e cinco céntimos **(12.703,95.- euros)**.

C.- Prazo de execución: O prazo de execución do contrato será de **15 días**, contados a partir do día da sinatura do contrato, podendo prorrogarse polo Concello se circunstancias particulares ou excepcionais así o aconsellan.

D.- Nomear como director de obra e coordinador de seguridade e saúde da subministración e instalación dun novo pavimento deportivo no pavillón polideportivo de Bertamiráns do Concello de Ames á empresa Salgado y Liñares SL.

E.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

Segundo.-Facultar ao señor alcalde, para cantas actuacións de trámite sexan precisas para a mellor execución do acordado.”

E para que conste, aos efectos oportunos, asino o presente certificado co visto e praxe do alcalde en Ames, a luns 16 de xullo de 2018, e coa advertencia de que non foi aprobada aínda a acta da sesión correspondente.

Vº e praxe
O alcalde
José Manuel Miñones Conde

A secretaria accidental
Concepción Vilas Cantelar